

67-68



Handwritten notes on the left side, including the number '10' and some illegible characters.

續文獻通考卷之六十七

皇明進士雲間王圻纂輯

節義考 忠臣六 忠隱

嘉靖死事諸臣

賀冕邵陽縣人嘉靖十年流賊劫掠冕率弟璋并姪四人奮勇拒敵以後援不繼死之

魏祥榆林參將嘉靖十四年虜吉囊入榆林古北口祥出兵禦敵力戰而死 詔旌其忠

劉世忠山西西路參將嘉靖二十一年套虜板不孩小王

子不及兒台吉與掩荅象首叛人高懷智等入大同塞  
破雁門掠太原而南及潞州平陽諸郡世忠並將躡虜  
力戰應授不至虜集精騎三千圍之世忠果創步戰虜  
衆亦窘會金矢火藥俱罄虜盡銳攻之世忠中二矢死  
事聞 贈官謚忠愍立祠祀之

王恭大同指揮嘉靖三十一年北虜以市薄入寇大同諸  
將觀望或有陰結驚路者獨恭禦戰死之 代府饒陽  
王以用 贈官廕子有加

郭都大同總兵嘉靖三十二年北虜入寇都出戰死之事

### 聞優卹

劉梅延綏副總兵嘉靖三十二年北虜入寇梅出戰死之

卹如例

李沫山西總兵嘉靖二十二年北虜犯山西趙時春禦之  
敗績沫力戰而死

王鉄嘉靖三十四年為常熟知縣率民禦倭力竭而死事

聞 贈卹

黃釗為温州同知嘉靖三十五年倭寇温州逆戰而死事  
聞 贈官廕子

經三廣通志  
二  
奚世亮黃崗人嘉靖丁未進士授主事知延平府倭夷寇  
閩世亮與武帥分城拒守城陷亮猶西向迎戰身被數  
鎗死之事聞 贈官錄子

錢鏞顯陵衛人嘉靖庚戌進士知江陰縣倭夷寇亂鏞與  
戰死之 贈光祿少卿廕一子

朱京鄭西人嘉靖丁酉領鄉薦為知揚州府值倭亂京率兵  
征之力戰死于陣事聞 贈參議廕其子

陳聞詩柘城人舉嘉靖鄉試以親老不仕及親沒哀毀骨  
立祭且秋賊苗詔亂被執不屈乃絕飲食誓以必死後

三日得自 追 封鳳陽府同知

許勇衛百 嘉靖末征倭至泗州力戰而死 詔世襲千

戶

萬曆死事諸臣

梁琦寧夏遊擊萬曆十九年禮部覆奏琦死難宜建祠致  
祭從之

馬承先寧夏守備萬曆十九年禮部覆奏承先死難宜文  
祠致祭從之

陳緒等寧夏常信堡百戶萬曆十九年禮部奏逆賊煽虐



全堡遭屠緒等死難宜建祠致祭從之

李如松遼東總兵官萬曆二十六年出塞殺虜陣亡 贈  
少保寧遠伯應襲兒男准授勳衛照本職例俸加陞三  
級仍廕一子本衛指揮使世襲 賜謚立祠加祭營  
葬

### 忠隱

春秋 夙沙釐鼓子之臣晉荀吳率師襲鼓滅之夙沙釐  
以其孥行軍吏執之辭曰我君是事非事主也名曰君  
臣豈曰主臣今君實遷臣何賴于鼓穆子召之曰鼓有

君有爾心事君吾定而祿爵對曰臣委質于狄之鼓未  
委質于晉之鼓也臣聞之委質為臣無有二心委質而  
策死古之法也穆子嘆曰吾何德之務而有是臣也聽  
使行

### 漢

梅福壽春人成帝時為南昌尉上書諫不宜專任外戚不  
聽王莽將篡位遂棄官變姓名為吳市門卒

陳咸沛國人以律令為尚書見王莽篡位何武鮑宣皆死  
曰吾可誓矣即乞體三子參豐欽悉令解官閉門以不

出入猶用漢家祖臘曰我先人豈知王氏臘乎時喻糜  
郭欽為南郡太守杜陵蔣詡為兗州刺史皆稱病歸卧  
母蔣隆東海蘭陵人成帝朝為諫大夫上封事遷冀州牧  
累官至京兆尹王莽秉政隆不附免官徙合浦  
胡剛華容人平帝時大司徒臧宮辟之值王莽攝政剛解  
其木冠縣府門而去遂亡命入交趾隱于屠肆之間莽  
敗乃歸鄉里

蔡勳陳留圉人平帝時為郡令王莽遣人授厥戎連帥勳  
對印綏仰天嘆曰吾策名漢室死歸其正昔曾子不受

李絲之賜况可事二姓哉遂携家屬逃入深山

管寧字幼安朱虛人漢末避亂依公孫度後浮海還郡曹  
魏特華歆屢請以位讓之固辭不起卒年八十四

魏 范粲為太宰從事中郎魏主芳廢素服拜送哀動左  
右遂稱疾佯狂不言寢所稱車足不履地者三十六年  
孫和薦其操行詔郡縣給醫藥歲以二十石祿養病又  
加賜帛百匹子以父病篤俱不受年八十四卒于所乘  
之車

晉

續文獻通考



經文廣通考  
五  
郭琦陽曲人趙王倫篡位欲用琦琦曰我已為武帝吏豈  
容復為今世吏終身隱居

辛勉狄道人博學有貞固之操仕為侍中及洛陽陷劉聰  
欲署為光祿大夫固辭曰大夫豈虧高節事二姓乎  
聰為築室于平陽西山月致酒辭不受

辛恭靖狄道人為河南太守姚興來寇恭靖固守百餘日  
援兵不至城陷被執恭靖厲色曰我寧為國死不為羗  
臣興幽之別室後走歸江東

陶潛長沙人自以晉世宰輔耻復屈身後代宋武帝王業

漸隆不復肯仕所著文章皆題其年月義熙以前明書  
晉氏年號自永初以來惟書甲子而已

唐

甄濟有操行安山為採訪使秦掌書記濟察祿山有異  
志詐得風疾昇歸家祿山反使人封刃召之濟引首待  
刃蔡希德以實病白得免後慶緒亦使強昇至洛陽會  
官軍平東京濟詣軍門上謁廣平王俶遣詣京師上命  
館于三司令受賊爵者列拜以愧其心蘇源明亦稱疾  
不受祿山官後以濟為秘書郎源明知制誥

孫邨奉化人唐末為左拾遺朱溫篡唐著春秋無賢人論  
卜世論即脫冠裳服布衣以隱著書記年悉用甲子以  
示不臣之義

梁震蜀依政人唐末進士也唐亡歸蜀過江陵高季昌愛  
其才識欲奏留為判官震耻之欲去恐及禍乃曰震素  
不慕榮臣明公必欲使參謀議但以白衣侍樽俎可也  
季昌許之震終身止稱前進士不受高氏辟署

劉昌嗣相鄉人漢特為磁相二州刺史隱帝遇害昌嗣憤  
之即避地衡山馬氏招以賓禮不赴周行逢逼以偽祿

昌嗣曰吾嘗致身漢氏縱不能為夷齊獨不可效梅福  
乎乃改姓氏號愚叟躬耕饘粥以終身

宋

孫逢眉山人靖康時為太學博士張邦昌僭位獨不入賀  
祠部員外郎喻汝礪亦扞膝曰不能為賊臣屈遂掛冠  
去

譚世勛長沙人仕為禮部尚書張邦昌僭位使權直學士  
世勛稱疾不起後贈延康殿學士

趙俊字德進南京宋城人官至朝奉郎隱居杜門劉穆僭



號欲官之辭疾不就凡家書文字但書甲子卒贈承信  
即

徐端益虹縣尉也張邦昌偽詔至縣令以下迎拜如常式  
端益獨不拜而走

史次秦眉山人為軍教授吳曦昭之偽以相油塗兩日未  
生附子付之比至日盡腫其母又偽以訃音報曦乃聽  
還後官至合州太守

潘汝一海陵人淹貫經史善文章建炎中訐容攝州事迎  
虜汝一不食數日所親強之乃起虜遣人誘之罵曰吾

生于宋死于宋得為忠義鬼含笑入地矣後以進士名  
次得宦歷徧州縣

殷澄華亭人元兵入華亭澄避地南錢後伯顏授華亭軍  
民都統管使守其地澄即棄去野服隱居浦上放浪九  
峰三泖間

許月卿婺源人宋亡三年不言雖言亦如病狂卒年七十  
謝疊山嘗書其門曰要知今日謝枋得便是當年許月  
卿

吳欽休寧人中漕舉補府學教授宋亡不仕題其所居之  
屏曰殷周雖代而首陽自存晉宋雖更而陶徑自若

周焱吉水人寶祐進士官南昌知縣元有天下誓不復仕  
邵桂淳安人咸淳進士授處州教授亡不仕

胡仲霖高安人元革宋命耻食其祿與子希俱隱遁終身  
游汝德清人咸淳中歷江西江東福建提刑俱有能聲宋  
亡隱居元泰政蒲大全薦為福建路總管固辭不能嘗  
大書衣背云前宋提刑今為百姓服之以出入焉

馬端臨廷鸞仲子以廕補承事郎明年宋亡隱居不仕

王序字景禮晉江人少與兄庚齊名相繼擢咸淳進士知  
長泰縣攝守惠州宋亡徜徉丘壑以終身焉

吳應棻休寧人年十六舉鄉貢入太學因宋革命不仕  
陳存湖州人累官至殿中侍御史宋亡元遣使七徵不起  
遂却醫絕粟旬有四日卒

黃森字水心甌寧人父駟宋季為吏部郎中森景定間預  
鄉薦國亡不仕隱于天湖山自愧弗能如夷齊之餓死  
蔣粹翁政和人宋末為太學生國亡隱于滿月山  
危復之臨川人宋末貢補太學國亡隱居不仕



李士華撫州之崇仁人宋亡為元更易方笠窄袖衫公獨  
深衣幅巾翩翩自如人競以為迂公曰我故國之人義  
當然耳

劉揚祖字弘宗慈谿人景定三年進士為刑部員外郎見  
賈似道執政國事日蹙遂有肥遯山林之志逾年而宋  
亡改冠裳慟哭及元下詔求賢揚祖不忍聞遂徙家雲  
湖寺山之東原更求其西茅山建介白樓自號介白散  
人以示不臣于元

應本仁字本立鄞人由曾大父伯謙而上建文敏公孫世

顯于宋本仁以家世為宋臣義不仕元隱居城南以終  
陳應麟字天祺鄞人以通儒稱至元間安車徵之謂使者  
曰吾祖宗世為宋臣子孫不忍食異姓祿固辭不起賜  
號純德先生

汪懋卿與弟棟卿奉化黃甘里人也宋末同學同貢宋亡  
後並隱居不仕杜門著書其子灝字季夷瀚字幼海受  
家學治春亦躬耕孝養薦辟不就

姚辨孫字應辨慈谿人宋末舉鄉薦補國子助教改學錄  
及元混一不屑于仕退隱雙峰別墅

王昌世勤人應麟子也自以先世仕宋隱居不仕惟蒐輯遺書露抄雪纂而已

袁士元鄞縣人父鏞咸淳進士尚氣節元兵至鏞往軍前責以大義遂愚害後士元薦為翰林國史檢閱官不就胡餘學不知何許人宋亡不仕作媒發問答見意曰媒問發汝何傷汝國為秀特辛若事蚕桑中年得夫婿憧憧拜姑嫜肅容采蘋藻洗手供茶湯良佳人正少相期家道昌良緣天所妬夫婿奄亡自從從夫婿亡十年守空房皓月照枕衾暴雨頽垣墻獨寤誰呼喚獨語誰交相

發來吾語汝琴瑟貴更張汝篋既單薄汝門復淒涼死者不復起生者宜自詳鄰有美丈夫顛顛更昂昂牛羊量用谷金玉堆滿堂門下繫珠履庭前沸笙簧出則專城居人則侍明光吾暮昔蹇修與汝解珮環以此窈窕婦配彼英俊即花樹戲蛺蝶蓮浦浴鴛鴦世無百歲人倏忽如風狂莫將泡影身徒置水灰塲敗碁須換局作戲且逢塲有髮可重結有耳何自戕鬼妻變人婦母作老死孀 發答媒妾自怜妾家貧如洗妾貌粧不妍中年方擇配幸逢夫婿賢藍橋疑仙會紅葉開良緣俯以



奉箕箒仰以供豆蓬粿從定六禮穩圖偕百年渠宜室  
家願修遭中道捐空亡照明月幽瓏凄寒煙舉紫昔華  
屋埋玉今荒阡恨不即同穴何忍續斷絃妾顏親筆硯  
亦嘗閉簡編女不踐二庭婦不再移天或刑耳自誓或  
斷髮自全或割鼻偃蹇或毀面逃遭卓卓節操立表表  
風孤蹇藐茲未亡人有意奉周全媒言頗喋喋媒意甘  
拳拳之死矢靡他斯言當真詮寧貧受勞碌寧賤受磨  
研寧凍如寒蠅寧餓如飢鳶終不以快樂而易此憂煎  
井底水不波山頭石不遷再拜謝媒妁歸來雙淚漣十

襲藏破鏡他年會黃泉

張山翁字君壽普州人德佑初為荆湖宣撫使幹官鄂守  
張晏然納款山翁以書請讓已而被執軍前諭曰若降  
不失作顯官山翁酬對不屈然義而不殺後居黃鶴山  
聚徒教授而終

黃申字酉卿井研人為安樂丞元兵至今欲申同降申抗  
不往吏民數百人強輿致之申顛踣于地若中風然今  
無如之何至暮衆舁入寘中堂或食以粥得免隱巴山  
以終

經文廣通卷之十一  
十一  
曹應符華亭人少謹身飭行為鄉里推重景定中進士授  
迪功即會宋亡遂隱不仕族人光遠中進士辟軍器監  
簿宋亡衣冠不改人稱為大頭巾相公云

陸寔龍華亭人咸淳鄉貢進士宋亡即棲隱講授終其身  
衣冠不易嘗自贊畫像其略曰勤勤劬劬耽嗜慕悅而  
不舍者聖賢之書超超起起畏懦退縮而不敢廁者世  
利之途或者見之而指笑此必抱遺經行古道之拘儒  
謝國光華亭人咸淳中鄉貢宋亡遂不仕元治書侍御史  
程鉅夫奉詔搜賢以國光薦輒杜門稱疾

金

張天綱霸州益津人哀宗時權叅知政事國亡為宋械至  
臨安有司令供狀迫書虜主天綱曰殺即殺焉用狀為  
止書故主而已後不知所終

元  
元好問秀容人天興中為行尚書左司員外郎金亡不仕

吳當江西人嘗為行省叅政陳友諒陷江西遣人辟之卧  
床不起以死自誓乃舁床載之舟送江州拘留終不為  
屈



蔡子英永寧人舉進士累顯秩及元軍敗單騎走關中入南山有司以形求之械送京師命釋之授以官不受退而上書大畧謂臣之事君猶女子適人一與之醮終身不改事君之道一食其祿終身不二朝廷重之命館于儀曹忽一夜大哭不止人問故曰思舊主耳上知其志不奪勅有司送之出塞不知所終

皇明

彭與明江西萬安人國初以貢入太學洪武二十五年授兵科給事中陞刑部浙江司員外郎建文己卯陞湖

廣按察司僉事遷大理寺右寺丞北師起與禮部左侍郎陳性善欽天監副劉伯完指揮王貴等俱從李景隆軍中白溝河戰敗與明等皆被執尋悉縱遣之北師渡江與明遁去徧遊四方志欲有為越赦年徵服來歸翼日竟去不復返不知所終

周縉字伯紳湖廣武昌人曾祖壽元翰林直學士國初縉以貢入太學試事有廉謹名時戶部奏遣太學諸生勘天下錢穀凡幾千輩歸報多失實論坐者十八九縉獨無所坐授北平永清縣典史居官廉慎既而攝縣事

續文獻通考  
四  
境內多盜縉捕治有治一邑晏然是歲旱蝗不為災無  
何 潜帥師興一時守令相率迎降永清地尤密通縉  
極力拒守民多寡弱逃散縉自度無可為佩印南奔欲  
有所為道聞繼母喪還家營葬甫畢亟圖勤王戰艦戎  
器畧具而天命有屬 國事已去縉乃走匿編民間已  
而蹤跡漸露有司見收縉自分必死慷慨就行械送  
闕下 文皇義其志下之獄謫戍興州居數年以其子  
代還屏迹田園年八十而終吳文定公寬為縉傳有曰  
以愧世之為丁公而倖免者嗟夫縉亦所謂不可奪志

者哉

東湖樵夫未詳何郡人與姓名壬午七月樵夫鬻薪臨海  
東湖上見里巷傳相語曰新郎 位詔至矣樵夫矐視  
久之舍擔奮擲于水而死

石允常字恒德浙江寧海人洪武甲戌進士歷官河南按  
察司僉事廉介有聲人稱石清潭為僉事時嘗微行民  
間聞哭聲甚悲允常廉知其女為閹宦逼奸而死受其  
訐聞於 朝捕宦抵大辟羣宦銜之糾結巧誣左遷常  
州同知俄北師起允常棄官歸 文皇登極追錄建文



間廢毀周府官僚事逮至者五十餘人允常與焉衆悉  
洵懼服罪人止贖米五十石 命于原官加一秩仍用  
之獨允常鍛鍊百端堅不服繫獄三年免死謫戍中屯  
衛躬擐甲胄幾三十年年七十代還過南畿感愴病卒  
舟中遺文曰遇安集

葉希賢浙江松陽人 國初舉賢良擢監察御史建文壬  
午六月之變家人意希賢必死發喪以衣冠歸葬希賢  
實出亡為僧號雪庵遊江而西抵重慶之善慶里隱者  
杜景賢知其非常人於白龍山為寺希賢率其徒居之

朝夕誦經咒諦聽之易乾卦也景賢婉諷之曰和尚祖  
釋而誦儒將儒行乎希賢悟遂轉誦觀音經因名觀音  
寺焉又好誦楚辭時放舟中流朗誦一華畢輒投一葉  
于水誦已輒哭哭已又誦終卷乃已性嗜酒日注一壺  
飲客雖樵夫牧豎亦拉入與飲半酌呼兒童和歌頌焉  
而寐希賢形碩而頑落筆成章不事工密而意氣渙發  
能愴人見者驚異或曰希賢當建文壬午為翰林學士  
滅迹以死死之日其徒問曰師即死宜銘帥故何許人  
但荅曰松陽而已遺詩若干篇時又有河西傭馮翊翁

韜光匿采意亦雪庵之儔然竟莫可踪跡云

補鍋者不知何許人往來隆安里間帕首挂短衲業補鍋而食其力垂老而漏一字偶值三教詩老酌酒聯句補詩即續吾詩指韻而應諸老驚起延之上坐請賦席上獅頭相不可強之後可過此若病風然卒晦以死人言其與雪庵故僚友矢死不相問訊云

程濟陝西朝邑人有方術洪武末以明經舉為四川岳池縣學教諭建文間上言某年某月西北兵起以為非所

宜言械繫至京入問故將斬之濟叩頭曰陛下幸囚臣至期無兵臣死未晚也乃繫濟詔獄已而北師起乃出濟命為軍師護諸將北伐諸將與北師先鋒戰於徐州大捷已而李景隆師敗北師乘勝席卷遂至江上濟逃去不知所終初徐州之捷碑載戰代次第及諸將姓名濟忽夜往祭碑暮測其故及潛卽過徐望碑問故大怒顧左右趣推碑一再擊遽曰止止為我錄碑來於是按碑誅諸將無得脫者濟名正在擊處得免曩者之祭益穰之也或云建文之出濟始終左右之



高賢寧山東濟陽人建文中為太學生北師圍濟南不下  
潛即射書城中諭諸守者亟降賢寧作周公輔成王  
謝射城外亟請罷兵後賢寧被執 潛即識之曰此作  
論秀才即好人也留官之固辭其友紀綱勸受 命賢  
寧曰君學校棄才吾厚食太學義固不可綱為之言全  
其志而遣之年九十七卒綱故諸生除名故謂棄才云  
王稔字叔豐紳之子積學能文有大父禕風受業方孝孺  
孝孺甚器重之訐妻以女孝孺之及于難也稔周旋其  
間又與鄭珣至聚寶門外求孝孺遺骸歸葬不得卒坐

逮繫 文皇念其祖禕死 國特宥免方欲向用稔以  
疾辭還金華結屋讀書青巖之下將終身焉復購孝孺  
遺文為緱城集以傳人咸義之徐性至孝初紳痛念父  
歿每食必斥兼味稔一遵遺志子孫相承閱數十年不  
變事母丁如事其父送終盡禮三年酒肉未嘗入口學  
問該博從游者日衆郡邑交重之禮為鄉飲賓至以分  
獻先聖廟稔踈髯偉貌出必儼然古冠服人爭覩之曰  
此王先生也所著有青巖橋聖廟文集金華賢達傳續  
文章正宗卒年五十九門人私謚曰孝莊先生

郭良不知何許人建文末與梁中節俱棄官為道士云

梁良用浙江定海人建文中父子兄弟八人同仕于朝

壬午之變相率去為舟工後皆死于水

梁田玉浙江定海人洪武末仕至郎中建文末與葉御史俱鬻髮逃禪晦跡終其身

梁良王建文中中書舍人田玉族人也靖難後逃入廣之南海鬻書為業以死

宋和不知何許人建文中為中書舍人與郭節及海州人何洲皆棄官變姓名為巫死異域

卷六十七終

續文獻通考卷之六十八

皇明進士雲間王圻纂輯

節義考 忠諫 忠婦

忠諫

上古東里子栗陸氏臣以直諫而死

上古箕文夙沙氏臣以直諫被殺

夏 關龍逢安邑人桀時諫無道桀殺之

殷 比干紂諸父也諫紂無道紂曰吾聞聖人心有七竅

令剖視焉

續文獻通考



郭良不知何許人建文末與梁中節俱棄官為道士云

梁良用浙江定海人建文中父子兄弟八人同仕于朝

壬午之變相率去為舟工後皆死于水

梁田玉浙江定海人洪武末仕至郎中建文末與葉御史

俱髡髮逃禪晦跡終其身

梁良王建文中中書舍人田玉族人靖難後逃入廣之

南海鬻書為業以死

宋和不知何許人建文中為中書舍人與郭節及海州人

何洲皆棄官變姓名為巫死異域

卷六十七終

續文獻通考卷之六十八

皇明進士雲間王圻纂輯

節義考 忠諫 忠婦

忠諫

上古東里子粟陸氏臣以直諫而死

上古箕文夙沙氏臣以直諫被殺

夏 關龍逢安邑人桀時諫無道桀殺之

殷 比干紂諸父也諫紂無道紂曰吾聞聖人心有七竅

令剖視焉

周 左儒宣王時臣與杜伯友善王欲殺杜伯而非其罪  
左儒爭之強王曰汝何別君而異友也對曰君道友逆  
則順君以誅友友道君逆則順友以違君臣能明君之  
過以彰杜伯之無罪王殺杜伯左儒死之

春秋 洩冶陳大夫也陳靈公與孔寧儀行父通于夏姬  
乘其相服宣淫于朝洩冶強諫靈公殺之

戰國

狐咺齊臣也湣王侵楚及三晉欲并二周為天子狐咺正  
議其失斲之檀衢

周舉齊臣也與狐咺同諫湣王直言不諱殺之東閭

屈原字子平楚三閭大夫也諫懷王不用乃作離騷之歌  
自沉汨羅而死

漢

汲黯字長孺濮陽人性倨少禮武帝時為主爵都尉帝嘗  
曰吾欲云云黯曰陛下內多欲而外施仁義柰何欲效  
唐虞之治乎帝不悅退謂人曰甚矣汲黯之戇也後竟  
出為淮陽太守

朱雲平陵人成帝時為槐里令上書求見既而願借尚方



斬馬劔斬佞臣一人頭以勵其餘帝曰誰也曰安昌侯  
張禹帝大怒曰小臣居下訕上廷辱師傳大不敬趣斬  
之御史遂將雲下雲攀折殿楹呼曰臣從龍逢比干遊  
于地下足矣未知聖朝何如耳將軍辛慶忌為叩頭請  
得釋後左右請治楹帝曰勿易因而輯之以旌直臣  
王章成帝時為京兆尹素剛直敢言會日食極言王鳳蔽  
主之惡鳳使尚書劾章下獄中

杜根潁川人以安帝年已長上書請鄧太后還政太后太  
怒盛以縑囊撲殺之載出城外得蘇逃為宜城山中酒

### 家保

李雲桓帝時為白馬令以帝多封恩舊閣宦露布上書移  
副三府帝震怒逮雲送獄弘農掾杜衆傷雲以忠諫獲  
罪上書願與雲同死帝并下之獄殺之又張鳳曹鸞雲  
帝時極諫黨錮被殺

偽漢 陳元達劉聰時廷尉也聰為后起鷄儀殿元達切  
諫聰不怒曰朕為天子營一殿何關汝鼠子乎命曳出  
斬之時元達先鎖腰而入即以鎖鎖堂下樹左右曳之  
不能動會劉后密勅左右停刑手疏救之乃得免

陳

傳繹字宜事靈州人後主時為秘書監右衛將軍被譖下獄乃于獄中上書曰陛下頃來酒色過度不虔郊廟之神專媚淫昏之鬼小人在側宦豎弄權惡忠直若仇讐視生民如草芥神怒民怨衆叛親離恐東南王氣于斯而盡書奏後主大怒頃之稍解遣人謂曰我欲赦卿卿能改過否對曰臣心如面面可改則心可改矣後主益怒賜死獄中

章華字仲宗吳興人後主時為大市令上書畧曰陛下即位于今五年溺于嬖寵惑于酒色祠七廟而不出拜妃嬪而臨軒老臣宿將棄之草莽諂佞讒邪昇之朝廷今疆場日蹙隋軍壓境陛下如不改弦易轍臣見麋鹿復遊于姑蘇臺矣書奏後主大怒即日命斬之

唐

安金藏長安樂工也時有告皇嗣謀不軌者武后將使酷吏訊之金藏自剖其心以明皇嗣不反五臟皆出流血滿地太后聞之驚曰吾有子不能自明而使汝至此耶立命良醫納其五臟以桑白皮作線縫之歷時而醒卒



獲愈後官加大將軍卒配享睿宗廟庭

趙奉璋咸寧太守上言李林甫罪二十條死于杖下

燕欽融許州司戶參軍也再上書斥韋后逆節遂見殺

劉栖楚敬宗時右正言也以帝晏起不朝政事失理請碎

首玉階以謝諫職之曠乃叩頭不已響聞閣中流血被

地帝令人持之乃止

侯昌業僖宗時左拾遺也諫上游戲無度賞賜無節帝怒

殺之

孟昭圖僖宗時右拾遺也以上日夕與宦官議事待外臣

疎薄乃上書極言田令孜屏不奏矯詔敗嘉州司戶遺  
人沉于墓頤津聞者氣塞

常濬僖宗時右補闕也上言不宜姑息藩鎮宜稍振典刑  
以威四方田令孜啓上賜死

范氏曰殺諫臣者其國必亡一特而赦三諫臣唐之亡  
決矣

南唐 廖居素將樂人以剛直見忌驟諫後主不聽服  
衣冠立死并中大書于篋曰吾不慙國破主辱耳

宋

陳禾勤縣人徽宗時為左正言嘗奏對論童貫反覆不已  
徽宗欲起禾引帝衣願畢其說衣裾落帝曰正言碎朕  
衣矣禾曰陛下不惜碎衣臣豈惜碎首以報陛下

唐介字子方江陵人仁宗時為殿中侍御史極論文彥博  
燈籠錦事貶英州別駕直聲動天下天下稱直御史必  
曰唐子方

鄭俠福州人熙寧中監安上門以王安石變法饑民流離  
于道乃繪圖以獻閣門不納發馬進進銀臺司神宗覽  
之長吁歎四即罷新法十餘事時大旱即日雨既而以

謗訕編管連州

陳東字少陽丹陽人高宗時為太學生請留李綱被殺  
歐陽澈字德明崇仁人高宗時以布衣請罷汪伯彥黃潛  
善相被殺所著有飄然集六卷後贈秘閣修撰范應鈴  
為祀于學

馬伸字時中東平人高宗時以監察御史始請張邦昌避  
位後又請斥汪黃貶死濮州

胡銓字邦衡廬陵人紹興中為樞密編修官上疏乞斬秦  
檜孫近王倫以排和議除名編管新州又移吉陽軍檜



死得還

呂祖儉字子約祖謙之弟寧宗時以太府丞諫用韓侂胄安置韶州量移高安死

呂祖泰字泰然居常州亦祖謙族弟寧宗時以布衣諫用韓侂胄杖之百配欽州牢城後得生還授迪功郎

楊宏中字充甫福州人寧宗時以太學生與林仲麟徐範張衡蔣傳周端朝上書救趙汝愚編管太平州

華岳字子西寧宗時以武學生請罷韓侂胄貶建寧園土中後得釋又謀去史彌遠杖死東市

劉允升名階以字行建州布衣也聞岳武穆被逮詣闕上書訟其冤秦檜大怒下棘寺論死

金 祁宰字彥輔江淮人大醫院使也海陵將代宋會元

妃有疾召宰診視既入見即上疏大畧謂宋人無罪師出無名加以大起徭役營中都建南京繕治甲兵調發軍旅賦役繁重民人怨嗟此人事之不修也間者晝星見于牛斗熒惑伏于軫翼已歲自刑害氣在揚州太白未出進兵者敗此天時之不順也舟師水涸艦舳不繼而江湖渚島之間騎士馳射不可驅逐此地利之不便

也言甚激切海陵大怒命戮于市世宗即位詔贈資政大夫復其爵位章宗時詔訪其子忠勇校尉平定州酒監公史擢尚樂局都監又以尚書省掾李秉鈞言賜謚忠毅

皇明

葉居昇洪武時為山西平遙訓導應 詔為萬言書言三事一曰分封太侈二曰求士太急三曰用刑太繁 上大怒曰小子何敢間吾骨肉 詔逮繫獄刑曹問狀竟死焉

陳諤洪武間任刑科給事中遇事剛果嘗奏事聲響甚洪聽者悚然 上命餓之數日奏對如前乃嘆曰此天生也每見呼為大聲秀才嘗以直諫觸 上怒命為坎奉天門外瘞之露其首七日不死遂釋還職陞吏科都給事中

錢唐刑部尚書字惟明象山人洪武二年己酉 詔孔子惟國學春秋釋奠天下不必通祀唐上流言孔子百王宗師乞令天下通祀從之已而 太祖覽孟子土芥寇讎章謂非人臣所宜言欲去其配享 詔有諫者不敬



論且 命金吾射之唐抗疏入諫輿櫬自隨祖嘗受箭  
 且曰臣得為孟軻死死有餘榮 太祖覽其疏情詞剴  
 切遂復孟子祭仍 命太醫院療其箭瘡一日 召講  
 虞書陞立而講或糾唐草野不知君臣禮唐正色曰以  
 古聖王之言陳於 陛下不跪下為居嘗諫 宮中不  
 宜揭武后圖忤 旨待罪於門外終日 太祖悟 賜  
 飯即 命撤圖惟明貌魁梧善飲居常以豪杰自負因  
 元亂遂隱年近六十謁 太祖獻長詩一章稱 旨拜  
 刑部侍郎

周新廣東南海人浙江按察使由鄉舉為御史彈劾不避  
 權貴擢雲南按察使尋改浙江屢有異政名震一時錦  
 衣指揮紀綱怙寵差千戶往浙緝事作成索賂新捕之  
 千戶遁入京訴綱綱奏新專擅 上命官校逮至官也  
 臣奉法捕惡柰何罪臣 上怒 命殺之臨刑大呼曰  
 生為直臣死為直鬼吾無憾矣 上尋悟其冤而惜之  
 解縉吉水人永樂中為翰林學士初 上欲征交趾縉謂  
 自古羈縻之國得其地恐亦難守 上不喜 東宮而  
 寵高煦縉謂不宜過寵致起覬覦縉由此得罪由廣西

參議改交趾又上言欲用數萬人鑿贛江以通往來  
上大怒逮下錦衣獄暴卒時十三年正月也

李仕魯字宗孔濮州人聞婺源人朱公遷得朱子之傳乃從  
之遊 太祖起兵時已識之洪武初 詔求朱學者郡  
吏以仕魯應 上迎謂之曰吾求子久矣何至之晚也  
仕魯對曰臣聞君求臣未聞臣求君 陛下方以武定  
天下而臣欲以文進故臣有待耳除黃州同知初願備  
顧問 太祖曰朕姑以民事試子耳後果以治聞 召  
為大理寺卿時金碧峯應對稱 旨上欲以為諫職司

事仕魯三上章謂今天下學校尚未建儒風尚未振而  
先為異端立赤幟非所以訓遠也 上怒仕魯乞歸遂  
得罪以死

劉球安福人永樂辛丑進士擢禮部主事改翰林侍講正  
統八年應 詔陳言宜親政務權不可下移太監王振  
怒欲置之法適編修董璘自陳願為太常卿 詔獄辭  
連球并逮下獄振令錦衣指揮馬順遣小校入監捽球  
球知不免但曰死訴 太祖 太宗遂支解其體景泰  
初贈翰林學士謚忠愍



章綸樂清人正統初進士景泰中為儀制郎中時英廟別居南宮憲皇乃易儲位西宮嫌隙災異薦臻綸特陳修德弭災十四事疏上忤旨下錦衣獄榜掠慘酷體無完膚明年階南京大理卿廖莊御史鐘同杖予闕庭至百綸絕復甦禁錮詔獄越二載英廟復辟憲皇還儲首錄其忠出之獄擢禮部右侍郎卒贈刑部尚書謚恭敏

龔遂榮係千戶景泰元年庚午八月十一日英廟自虜還將入境遂榮具揭帖達之大學士高穀大畧言上

皇之出非遊畋無益為宗社計耳今都人一聞駕旋無不喜躍則人心尚未厭上皇也今日奉迎禮當從厚上當避位而後受命乃可不然恐十載史書難洗署其尾云書上修史先生穀即袖入朝出與文武重臣聚觀皆驚駭謂胡濙曰此所言若封進或可感動上心胡濙質之都御史王文文曰匿名文書不得言又以告少保于謙于言第封進亦無妨蓋其意亦持兩端衆因偕禮科草疏同上題其疏謂告言人罪蓋以破匿名之說俄而有旨繳進時胡濙已因王文言還

之高矣乃復取以進王文有憂色曰諸公勿累小子喫  
牢飯也學士陳循見之恚甚請捕治之遂榮自首 詔  
下錦衣衛議獄時門謝二鎮撫議以當具奏而不具奏  
坐不應尋會赦得釋揭帖亦留中

賈斌山東高河縣人景泰初充山西行都司天城衛令史  
先是王旅有寵用事朝臣無敢訟其非土木變後斌上  
疏云漢桓帝不任賢臣權歸宦官唐文帝忽於良士受  
制家奴宋之徽欽從虜北行亦閣寺用事之所致也  
太上皇帝失位去國皆由倚托匪人言群臣無一指生

以赴難者事 君能致其身豈空言歟 皇上肇登

寶位宜法 高皇帝以為治事無大小悉經 宸斷除

去竊柄閣人專備掃洒凡阿諛者必斥之端本澄源謹

終始則天下一新矣臣于歷代直諫盡忠守節之士以

與恃寵宦官撮其尤者錄為四卷名之曰忠義集伏乞

刊布臣僚必能觀感以興起其忠義之心而宦者亦不

得縱其奸宄之私矣疏入下 廷臣議特禮部尚書胡

滌覆奏斌言雖有理然 章皇帝 御製臣鑑錄已行

頒給足為勸戒所編不必刊布且斌擅自雜役欲送法



司問罪誠恐阻塞言路今發回原衛仍行天下在官之人建言不許擅離職役違者罪之機筭重事不在此例  
制曰可弒回衛後莫知所終

鐘同吉永豐人父復翰林編修同吉任御史景泰中與章綸疏諫易儲廷杖下獄而死天順初贈大理寺丞  
王淵字志默山陰人王徽字尚文金陵人成化初俱南京給事中時中官有寵人莫敢言二人以氣節相得乃率同官疏五事一曰覓書史二曰開言路三曰重大臣四曰重選良將五曰保全內臣而言之尤剴切上嘉

納之時冊吳氏為后太監牛玉之力也已而上悔遂廢吳氏立王氏為皇后然玉猶免死惟謫南京徽論其故謂淵曰是可輕貫乎又率同官上疏教太監牛玉大不韙之罪四乞寘諸法奏入群闕欲中以危法科道交章論林徽謫判普安州淵謫判茂州

鄒智四川合州人為庶吉士十二歲能文成化丁未有星變智謂星變見於朝廷蓋陽不能制陰之象也宜進君子退小人因上疏云正天下之衙門當自內閣始少師萬安恃權怙寵少師劉吉附上罔下太子少保尹

直挾詐懷奸皆小人也南京兵部尚書致仕王恕素志  
忠貞可任大事兵部尚書致仕王竑秉節剛勁可寢大  
奸巡撫直隸右都御史彭韶學識正大可決大疑皆君  
子也然君子所以不進小人所以不退豈無自哉宦者  
陰主之也願 陛下法 太祖以待宦官法 太宗以  
任內閣疏入不報是時麻城進士李文祥雅 著才名文  
祥見浮流世事者輒斥且言惟與鄒智及御史魚湯中  
書舍人吉人等十餘人往來高自標榜謂魚為先鋒文  
祥為大將餘皆有名目適 詔開言路文祥上新政疏

中官傳 旨詣中與再造等語為不祥遂稟 旨令吏  
部除文詳繁難衙門做縣丞着歷練遂補咸寧魚性仇  
爽喜為大言以風節自負先疏論劾萬安劉吉尹直留  
中不出又劾都御史馬文昇等復聲言將刻三原王恕  
未幾萬安尹直皆罷魚與文祥智等日夜酣呼以為君  
子進小人退雖劉吉尚在不足忌一時直聲震天下吉  
聞之密令門客徐鵬啗御史魏璋以利使伺魚萬壽州  
人也 弘治元年戊申春壽州知州劉棻貽書魚言嘗  
夢一人牽牛陷澤中魚手提牛角引之而上蓋人牽牛



象 國姓此 國勢瀕危賴魚復安之兆也因餽白金  
為壽魚大喜出書示容璋以此劾之謂其妖言誹謗遂  
捕魚及概下錦衣獄時馬文昇掌都察院欲坐妖言斬  
三原力救之魚後數年得放釋為民先是王恕奏還李  
文祥授兵部職方主事及是劉吉憾智嘗劾已因詆錦  
衣令魚辭連智遂併下獄逼供與魚等往來誹謗朝  
政欲處以死刑部侍郎彭韶解疾不為判案獲免遂謫  
廣東石城十戶所吏目尋卒吉人以言事下獄乃有媒  
孽文祥前妄議 朝政者亦被逮獄謫為貴州興隆衛

經歷未幾進表南還至西河城曲河水陷溺死

何文鼎弘治中太監也以 皇親入 禁城觀燈諸不法  
事極言其非 上怒下錦衣衛雜治并究所主鼎曰有  
兩人但不可執按曰姑言之曰孔子孟子也文鼎死猶  
能于禁中搜銅缸作聲若稱冤者 上特命勒碑祭之  
盖文鼎少習舉子業能古詩文至壯始閣也

陸汝亨等十一人正德十四年 武宗欲南視代宗歷徐  
楊抵南京下蘇州從浙江浮漢登太和太岳且徧中土  
繁麗是時寧藩蓄逆俟襲而動人情洶洶皆懼不測咸

憤激力請于 上不宜輕出一時首義者舒芬夏良勝  
萬朝汪子宿連流先入明日吏部郎中張衍慶禮部郎  
中姜龍兵部郎中孫奉刑部郎中陸天象陸倬等疏俱  
入又明日兵部郎中黃鞏負外郎陸震同疏入又有太  
醫院醫士徐等行人司副余廷瓚等並連名疏入 上  
大怒下黃鞏陸震夏良勝萬朝陳九川徐鏊錦衣衛獄  
命舒芬張衍慶姜龍孫奉陸倬等百有七人跪 午  
門外五日越二十二日林大輅周敏余廷瓚二十餘人  
俱下獄明日同黃鞏等六人亦跪 午門外五日是日

工部林以乘等三人大理寺周子厚等十人亦連疏入  
明日俱下獄亦跪五日是數日 京師陰霾晝晦越二  
十五日戊午 宮城內海子水忽漲自橋高四尺橋下  
鐵柱七根齊折如斬復有金吾衛指揮張英者以是為  
天變明甚言 車駕出必不利乃肉袒露刃于胸囊土  
數升持諫疏當 蹕道跪哭諫不允即拔刀自刎血流  
滿地侍衛即縛 詔鞠英囊土何為曰恐汚 帝廷酒  
土掩血耳已而死獄中無子 上乃 命舒芬等百有  
七人俱 午門前各杖三十為首者調外任其餘罰俸



六個月四月十六日己卯月食 上命黃鞏等六人  
午門外杖五十徐整發邊遠充軍鞏震良勝潮九川俱  
為民林大輅周敘余廷瓚杖五十降三級調外任其餘  
俱杖四十降二級調外任時死于杖者負外郎陸汝亨  
主事劉宗夏吳江何遵評事劉須夫照磨劉珏行人司  
司副徐伯獻行人孟陽劉平甫李德卿王山詹軾吳崇  
德蓋十一人也 車駕遂不出是役也士氣少伸江彬  
奸謀少沮而 國體亦少損云嘉靖改元贈何遵劉校  
尚寶卿林公黼余廷瓚太常寺寺丞劉班詹軾劉槩孟

陽李紹陽李惠王翰 監察御史仍各廕子姪一人入國  
子監張英贈都指揮廕其弟雄都指揮

時禮部主事仵瑜上疏曰正德間給事中御史挾勢凌  
人趨權擇便交遊貴俠飲宴園亭凡 朝廷大闕失群

臣大奸惡緘口閉目不復救正一時犯顏敢諫視死如  
歸或拷死 廷闕或流竄邊隅者皆郎中負外主事行

人庶吉士等官又張英本一武夫直諫就死行道悲傷  
諸給事中御史揚揚出入若罔聞知今幸 聖皇馭極

褒恤忠諍此輩更面目復立清明之朝章下吏部正寢

閣不報夫事雖寢而一時臺省聞者報然竦懼則亦膽落溫御史矣

王鑾吳江人以戎籍家南京正德辛未進士授吏部主事至卽中以諫武皇南巡廷杖致傷踰年卒

蔣欽常熟人以進士拜監察御史劾馬永成八人之奸時劉瑾用事繫獄鞠問挺言不曰竟死杖下贈光祿少卿廕其子

徐禎新淦人弘治己未進士知江廕遷御史忤逆瑾以禍中之死于錦衣獄瑾誅命復官諭祭

林質夫長樂人爲大理評事李紹賢奸貽人授行人正德中武宗南巡二人同疏入諫忤旨杖于闕庭昇出俱死

俞廷璜鄱陽人以進士授行人司副正德己卯武宗南巡廷璜條上十事皆人所不敢言者詞剴切奮不顧身遂死于諫嘉靖改元遣官諭祭

王相王思等一十七人嘉靖三年何孟春秦金豐熙及臺諫各疏爭本生二字章十三上不報帝罷朝齋居文華殿金獻民徐文華倡言諸疏留中必以孝宗爲



皇伯考矣何孟春曰昔 憲宗時 慈懿太后葬禮  
 書姚夔率百官伏哭 文華門力諍 憲宗從之此我  
 朝故事也楊慎王元正等遂遮留群臣于金水橋曰  
 萬世瞻仰在此一舉不力爭者共擊之孟春等二百二  
 十餘人俱跪伏左順門大呼 高皇帝 孝宗皇帝  
 上使司禮諭退不從自辰至午 上怒甚 命收豐熙  
 張紳余翱余寬黃侍顯陶滋相世芳母純德等八人下  
 獄楊慎王元正乃撼 奉天門大哭群臣皆哭聲徹  
 大內 上大怒 命繫馮理等一百三十四人俱下獄

有避匿者悉追繫之并何孟春金獻民等共二百二十  
 人越二日 命下學士豐熙科官張紳御史余翱吏侍  
 余寬戶部黃侍顯兵部陶滋刑部相世芳大理寺正每  
 純德俱戎邊編修王相等一百八十餘人各杖有差時  
 王相王思科臣裴紹賢毛玉御史胡瓊張日鞞郎中楊  
 維賢員外章燦申良主事臧應訐查余禎安爾殷丞叙  
 等十七人病劓卒

馮思華亭人嘉靖丙戌進士官南道御史嘉靖十一年  
 出東并以修省上言舉時政之得失以更張不若舉臣

工之邪正以進退遂指斥張孚敬方獻夫汪鋈罪惡而  
以孚敬為根本之孽鋈為腹心之孽獻夫為門庭之孽  
三孽不去庶政不平雖欲召和不可得也李時為太平  
宰相翟鑾為伴食中書訐讚為守成尚書夏言為救時  
宰相王憲為通達王時中為具臣趙璜為廉介周用為  
通敏訐論為迂邪湛若水為無用道道學王仁為有用  
道學顧鼎臣不局偏長錢汝京為安靜黃宗明為通儒  
聞淵為正直朱廷吉為篤實黎奭為滑稽林廷楫為敏  
達乞斬三姦以應除舊布新之象上怒逮繫即訊十

三年正月 上召張孚敬汪鋈訐恩諸不法事因摘疏  
內譽時宰言為上言大臣德政律斬及 朝審鋈遂書

情真應決王邦相曰不可我 朝一百六十二年不殺  
言官吾儕安得作俑 上微聞之是歲遂免行刑其母  
吳氏繫登聞鼓聲冤子行可請以身代皆不報是冬行  
可復于長安街刺血書疏自縛 闕下通政使陳經見  
而憐之為引奏 上動容曰忠孝乃出一家耶遂得減

苑成雷州 隆慶起大理丞贈三品郡建父子忠孝祠  
楊繼盛初為兵部員外郎以諫馬市謫狄道典史尋復職



又上疏論嚴嵩其畧謂臣前本內脫字罪應下獄被逆  
鸞威囑問官將臣手指拶脛骨夾出必欲置之於死  
荷蒙 皇上聖恩薄罰降調不二年間復陞今職夫以  
孤直罪臣不死逆鸞之手已為萬幸而又遷轉如此之  
速則自今已往之年皆 皇上再生之身也况臣官居  
兵曹以討賊為職然賊不專於胡虜凡有害於 社稷  
人民者均謂之賊臣觀大學士嚴嵩盜權竊柄誤國  
殃民其天下之第一大賊乎方今在外之賊惟胡虜為  
急在內之賊惟嚴嵩為最胡虜者大羊之賊瘡疥之疾

也賊高者門庭之寇心腹之害也賊有內外功宜有先  
後未有內賊不去而可以除外賊者故臣請誅賊高當  
在勦絕胡虜之先至列嵩專政叛 君之十大罪疏入  
世宗大怒杖百 詔獄尚書何鰲受嵩指搆搆本內  
召問 二王之語論詐傳 親王令旨律絞而侍郎王  
學益贊鰲具獄以上令監候處決在獄三年竟死西市  
隆慶改元贈太常少卿謚忠愍廕一子入監讀書 勅  
建旌忠祠

沈鍊字純甫浙江山陰人嘉靖戊戌進士以縣令任錦永

衛經歷嘉靖二十年嚴嵩專權亂政鍊獨抗疏論刻嵩父子奸貪數十大罪天下皆知其忠夏邦謨希嚴嵩意在州教授生徒共相詈嵩父子又為三木偶人曰秦檜李林甫嚴嵩日鞭射之世蕃聞知密囑按撫而巡撫楊順巡按路楷遂誣鍊通同白蓮教勾虜虛情本兵許論附和成獄竟坐腰斬天下莫不切齒隆慶初贈光祿少卿順楷抵死海內稱快後楷賂新鄭竟得脫罪善類為之扼腕

楊最四川射洪人正德戊辰進士嘉靖十八年為太僕卿

時 太廟災 世宗欲更建 九廟最力爭不可且論

太祖當配天而 睿考不當侔 太祖天成未必無意

忤 旨廷杖死隆慶初贈都御史謚忠節 或云最諫信

宗大怒逮訊竟死獄中宜再考

商大節嘉靖中為都御史北虜入犯時奏幕林士偆廩餼精練以備非常仇鸞所轄兵部巡卒不隸京營安得願因上言鸞包藏禍心宜稍抑之以除禍本鸞上疏力排大節遂逮繫竟死獄中

馬從謙嘉靖三十一年官光祿寺少卿劾太監杜泰乾沒



內帑金巨萬泰誣謙誹謗不忠皆逮訊泰以發奸免罪  
謙竟死杖下

郭希顏江西豐城人嘉靖壬辰進士入翰林至左中允謫  
鹽運司大計削籍嘉靖庚申上建 儲疏大畧云臣往  
歲恭讀 聖諭欲建 帝立 儲者道路相傳以立  
儲賀臣不敢言立 儲請言安 儲何者君臣相信則  
儲安兄弟相保則 儲安父子相體則 儲安相信  
有道釋疑是也相保有道分封是也相體有道總攬是  
也三者安 儲之急務也奏入 上震怒 諭輔臣嚴

嵩徐階等曰本中有建 帝立 儲四字夫立子為  
儲固是不知所建之帝是誰人耶必無可故之理下  
廷議奏依造妖言惑眾律斬即 命彼處巡按官處決  
禔各省

沈東字宗約會稽人嘉靖甲辰進士任推官陞禮科給事  
中嘉靖中疏劾嚴嵩并直周尚父有功忤 旨下獄東  
妻張氏願以身代夫囚上疏云臣夫沈東叨中嘉靖二  
十三年進士除授直隸徽州府推官行取選授禮科給  
事中猥以愚昧 皇上寬宥下獄經今一十四年東上

有老親下無子女孤苦伶仃俯仰無賴止遺臣一身寄  
居旅舍早暮力作女工以供口食艱難萬狀度日如年  
臣夫之父今年八十有七稟病侵尋風燭不定養生送  
死之具更無可託臣願以身代夫繫獄暫容臣夫送父  
畢仍即赴獄疏上不允四十五年冬十月奉 旨出獄  
為民隆慶元年復職擢通政

吳時來僊居人為科臣張紳廣西人董傳策松江人俱主  
事嘉靖三十七年三人同日各疏劾嚴嵩奸貪萬狀亟  
宜罷斥上怒逮三人繫鎮撫獄擬坐重辟刑部尚書

鄭曉執不可遂降 中旨廷杖簡戍嶺南後俱擢顯職  
海瑞廣東南海人以舉人由教官知縣為戶部主事嘉靖

四十五年上疏畧曰 陛下初年剷除積弊與天下更  
始過漢文帝遠甚二十年來法紀漸廢名器日濫 二  
王不相見人以為薄于父子以猜疑僂焉臣子人以為  
薄于君臣樂西苑而不返人以為薄于夫婦賦役日煩  
萬方縣罄天下之人不直 陛下久矣修齋修醮相率  
進香天挑天藥相率表賀修建宮室工部極力營繕買  
香市岳戶部差求四出 陛下誤為之而諸臣誤順之



無一人為 陛下言者夫玄修以求長生然堯舜禹湯  
下歷漢唐未有至今獨存者 陛下節事仲文而仲文  
已死彼既不能保其身 陛下何獨神其術乎 上覽  
之怒甚抵于地已復取再讀之太息自悔留中數月會  
不豫乃 詔曰海瑞嘗 主毀 君悖道不臣錦衣收  
訊并追喉使者以聞尚書黃光昇希 旨以大辟讞上  
而獄詞竟留中不下

石星大名府東明縣人嘉靖壬戌進士為給事中隆慶二  
年正月奏請圖政理以慰人心曰養聖躬侈鰲山之樂

縱長夜之飲沉湎聲色不可不節曰勤聖學經筵久輟  
屢請未復曰勤視朝正月以來視朝稍倦恐奸諛有以  
下事干內宦者稽遲不允甚且因而獲戾若軍機虜情  
呼吸立變而藥至違期豈左右抑遏不達 宸聰耶曰  
廣聽納周怡一觸忌諱而謫外陸鳳儀偶違 聖旨而  
削籍乞召三臣以延忠直曰察讒譖頃緣內田專擅言  
官攻劾切齒中傷諸以期慢 陛下得無入其言而不  
暇察乎疏入 命廷杖削籍後起為大司馬以誤東事  
斃獄有讖傷其不以諫時死云

續文獻通考  
卷之五  
曹大楚四川人疏劾高拱大畧云昔嚴嵩敗君納賄過  
惡貫盈乃嵩之死未久而又有罪惡過於嵩如大學士  
高拱者昔侍陛下於潛邸見有危疑即營翰轉為  
國子祭酒嘗因言官交劾特令其致仕矣陛下冀其  
改過復加委用且任以掌吏部之事拱乃專肆日甚放  
縱無忌前者王體達和臣工皆寢食不寧獨拱言笑  
自若且過侍即曹金飲酒作樂視陛下之疾若罔聞  
知此其大不忠者一也東宮出閣講讀拱當每日進  
侍左右乃止欵三八月叩頭而出是不欲以事陛下

者事東宮何其無人臣之禮敢於自尊哉此其大不  
忠者二也拱以復舊仇為事昔日直言拱之惡如岑用  
賓等二三十人一切降斥舉朝善人為之一空此其  
大不忠者三也自拱掌吏部以來其所不次超擢者皆  
親戚鄉里門生故舊如副使曹金給事中韓楫任其所  
嘉即輒超用不可勝記此其大不忠者四也科道衙門  
為陛下耳目拱於選授科道即先在吏部堂上戒論  
不許私言大臣失此蔽上下耳目以恣其奸惡之計其  
大不忠者五也科道多供心腹為之隱晦不言則拱之



罪惡 陛下其曷自聞之故內外皆知有高拱不知有  
 陛下此其結黨為惡大不忠者六也嚴嵩未嘗兼吏  
 部今拱掌吏部不肯辭退故用舍予奪皆在其掌握之  
 中撫按舉刺有所不計在 朝清議有所不惜故其權  
 之重過於嚴嵩引用匪人排斥善類甚於嚴嵩此其專  
 權放肆大不忠者七也嚴嵩止其子世蕃貪財納賄今  
 拱親開賄賂之門董文采餽以厚幣六百元即陞為河  
 南叅政張四維餽以別儀八百金即留為 東宮侍班  
 講讀其他暮夜千金之餽難以盡數故拱家屢被盜劫

不止數十萬金賍迹大露此其大不忠者八也沈鍊在  
 嚴嵩專權之日獨抗疏論劾謫發保安州為民巡撫楊  
 順巡按路楷乃承嵩意將鍊捏作勾虜虛情竟至腰斬  
 天下切齒恨之 陛下大奮乾斷將楊順路楷問擬死  
 罪天下賢人莫不稱快今高拱乃受路楷千金為楷強  
 辯脫去死罪此其大不忠者九也吳時來抗疏劾嚴嵩  
 所謂忠臣徐階受 先帝顧命所謂元老拱以私恨多  
 方害之至於太監陳洪之間住乃出於 陛下之獨斷  
 拱思往來情密嘗諷言官欲為之辯復是黨洪而謂其

不當去也。庵荅歸順拱，乃揚言於人曰：此非國家之成，乃我之力，歸功于已，不知上有陛下，此其大不忠者十也。高拱不忠，負國難以盡記。大要指斥正士，任用匪人多，植朋黨，專權納賄，蔽塞言路，放肆無忌。拱一日不去，則忠臣義士無由立朝，而小人結黨，社稷不安矣。疏入，有旨大桎，妄言調外任。

高舉山東淄川人，萬曆二十七年巡按直隸，疏畧曰：皇上登極之後，孝養兩宮，動遵二祖，講筵時御，郊廟必親，簡賢進直，遣賑蠲租。至朝講之暇，遇有大

軍機大朝政時，召閣部大臣，面為商確，以故海晏河清，民安物阜，識者皆謂我皇上十數年勵精勤政所致也。柰之何！自十七年以還，聖體違和，將為靜攝，此其時以鼓舞人心，光昭帝德，上下得其所，聯屬而政事不至廢弛者，全在朝講。召門一二事，乃今廷報矣。日講罷矣，視朝召問之典，存乎未之間矣。此在清平已為不可，今何時也！天鳴地震，湧血隕星，黃氣蔽天，旣飛旗落，寧夏逆賊一逞，狂謀數月于茲。及彼狡爾胡雛，日持金帛子女，以厭虜之欲，聲以讓地讓位，以



結虜之心烏合雲從賊勢日甚且火首于諸部中最稱  
鴛鴦方面竄海上而倭爾遠來似欲藉力于彼又取償  
于我勢可虞也臣恐寧夏一挫則關中不可保而宇內  
從此多事矣東之而閔白空國大寇朝鮮失利背城以  
敗而不得援於我勢必折而南入于倭且倭之不敢輕  
犯中國者恐高麗之攻其後也今高麗即被撤我藩  
籬臣恐一揚帆則遼左無寧日而神京有于隣之恐  
矣近知勦賊于西則借兵于宣府禦倭于東則調兵于  
薊鎮似矣萬一北邊諸虜啗彼之利而寒我之盟救焉

生心收馬而南顧此失彼將何所調而何所援耶又萬  
一奸民俠士有如劉汝國者乘機作難揭竿而影從則  
處處戒嚴人人警備又将何調而何所援耶此不可不  
慮也邇年搜索外窖房之積僅得六百餘萬年來賑荒  
補餉支用一空除內窖房未敢擅動內帑未易測  
度兩京各部馬船事例暨太僕寺馬價等銀總之數不  
盈千萬止耳當此供用浩煩之際而所藉止此安所稱  
富今天下閑營衛所詎不夥多第冊籍空存逃亡過半  
而半之存者亦皆老弱疴羸難以爭鋒安所稱強邇來

姑息太過法紀漸墮軍卒大抵怯于禦敵而敢于背公  
鼓譟要挾接踵如是自西寧變起曾幾何時一見于中  
州再見于薊門人心渙散安所稱和夫以此不富不强  
不和之勢即并力以過方張之虜勝負未可預卜矧今  
兩來而兩敵之乎又復有左顧右盼前牽後製之足虞  
者乎思患及此良可寒心伏蒙 皇上 命將遣師發  
金給餉是 聖心詎不孔疚 綸音非不日渙乃竟晏  
然于 九重之內足不出 紫禁之門 睿策神謀未  
一指授中外臣民紛紛籍籍咸謂事勢之岌岌若此

皇上之泄泄若彼倘或移時而西虜就擒而倭立馘海  
內帖然其無事焉則 陛下將終于不朝終于不講置  
天下于度外乎懇惟 皇上念國步之艱奮大行之健  
決策臨 朝諸凡軍機秘策 面與閣部大臣互相籌  
畫而又章疏之不留 講筵之日舉建 儲格 廟敬  
天憫人日與臣工固所為保大定傾之策則 國祚永  
繫于苞桑矣奉 旨該部知道

忠婦

周



丘子妻戎伐蓋叔其君令蓋群臣曰敢有自殺者妻子  
盡誅丘子自殺人救之不死既歸其妻謂之曰吾聞戰  
而亡勇非孝也君亡不死非忠也今軍敗君死子獨何  
生忠孝忘於身何忍以歸丘子曰吾固自殺也以救故  
不得死妻曰曩日有救今又何也岳子曰吾非愛身也  
戎令曰自殺者誅及妻子是以不死死又無益於君妻  
曰吾聞主辱臣死今君死而子不死可謂義乎多殺士  
民不能存國而自活可謂仁乎憂妻子而忘仁義背故  
君而事強暴可謂忠乎人無忠臣之道仁義之行又可

謂賢乎周書曰先君而後臣先父母而後兄弟先兄弟  
而後交友先交友而後妻子妻子私愛也事君公義也  
今子以妻子之故失仁臣之節無事君之禮棄忠臣之  
公道營妻子之私愛偷生苟活妾等耻之况於子乎吾  
不能與子蒙耻而生遂自殺戎君賢之祠以太牢而以  
將禮葬之賜其弟金百鎰以為卿而使別治蓋君子謂  
蓋將之妻潔而好義

漆室女魯人倚柱而嘯鄰人婦曰子欲嫁吾為子求偶女  
曰吾豈為不嫁悲哉吾憂魯君老太子幼鄰婦曰此乃

魯大夫之憂婦人何與焉女曰昔晉客舍吾家馬踐吾園中葵使吾終歲不飽鄰人女奔情吾兄追之溺死使吾終身無兄吾聞河潤九里浸淫三百里今君老悖于少愚魯國有患婦女獨安避哉越三年魯果亂男子戰鬪婦人轉輸不休

戰國 魏曲沃婦者大夫如耳母也哀王為太子納妃而美將自取焉婦使其子諫王會使于齊婦乃自歆王門上書曰妾聞君臣父子夫婦三者天下之大綱紀也三者治則亂則亂今大王亂人道之始棄綱紀之大南

有勁楚西有強秦而魏居其間可謂僅存矣王不憂此而從亂無別父子同女妾恐大王之國政危矣王曰然寡人不知也遂與太子妃而齊婦三十鐘如耳還而爵之

齊 王孫賈事閔王出奔賈失王之慶其母對曰汝朝出而晚來則吾倚門而望汝暮出而不還則吾倚閭而望汝今事王王出走汝不知汝尚何歸王孫賈乃入市中曰淖齒亂齊國殺閔王與我誅齒者祖布市人從者四百人遂與誅淖齒刺而殺之



西漢 王陵歸漢陵母為項羽所質漢使至見陵母母曰  
漢王長者終成大業願為妾語陵使終事之母以老妾  
故特二心妾今以死送使者遂伏劍而死

東漢 馬超入涼州殺刺史韋康參軍事楊阜外兄姜叙  
屯兵歷城阜往見叙及其母歎歎悲甚曰守城不克完  
君亡不能死馬超背父叛君虐殺州將豈獨阜之憂責  
君擁兵無討賊之心此趙盾所以書弑君也叙母慨然  
曰人誰不死死于忠義得矣我不以餘年累汝叙乃與  
趙昂等合謀討超時超已即昂子月為質昂謂妻異曰

當柰月何異厲聲曰雪君父之大仇喪元不足為重况  
一子乎遂同進討超殺叙母及月而奔

晉

吳興太守虞潭母孫氏聞蘇峻反入石頭命其子起義兵  
赴救且曰汝當舍生取義勿以吾老為累盡遣家僮從  
軍驚環珮以給軍費潭卒與陶侃破峻兵復晉室

襄陽太守朱序母韓氏以秦符丕寇襄陽克外郭序固守  
中城韓氏自登城履行西北隅以為不固帥百餘婢及  
城中女丁築斜城于其內及秦兵至北隅果潰移守新

城襄陽號為夫人城秦圍之經年不克

何無忌母劉氏征虜將軍建之女也少有志節弟牢之為桓玄所害劉氏每啣之常思報復及無忌與劉裕謀而劉氏察其與指有異喜而不言會無忌夜于屏風裏制檄文劉氏潛以器覆燭徐登梯子屏風上窺之既知泣而撫之曰我不如東海呂母明矣既孤其誠常恐壽促汝能如此吾讐耻雪矣因問其同謀知事在裕彌喜乃說桓玄必敗義師必成之理以勸勉之後果如其言

北魏

梓潼太守苟金龍妻劉氏平原人宣武時金龍為郡帶關城戍主梁人攻圍會金龍病不堪部分劉遂率勵守城人修理戰具夜悉登城備戰百餘日兵士死傷有過半戍副高京陰圖叛逆劉與守城人斬之及其黨數十人自餘將士分衣減食勞逸必同莫不畏而懷之會益州刺史傅豎眼率救兵至梁人乃退豎眼嘆異之具狀奏聞明帝正光中賞其子慶珍平昌縣子又得二子出身武功縣孫道溫妻趙氏者安平人也万候醜奴之反圍岐周久之無援趙乃謂城中婦女曰今州城方陷務在同



憂遂相率負土晝夜培城城竟免賊文皇帝大統六年  
贈道溫岐州刺史贈趙安平縣君

隋鍾士雄母蔣氏者臨賀人也士雄仕陳為伏波將軍  
陳主以士雄為嶺南首帥慮其反覆留蔣氏於都下及  
晉王廣平江南以士雄在嶺表欲以恩義致之遣蔣氏  
歸臨賀既而同郡虞子茂鍾文華等作亂攻城遣召士  
雄士雄將應之蔣氏謂曰汝若背德忘義我當自殺於  
汝前士雄遂止蔣氏復為書與子茂等諭以禍福子茂  
不從尋為官軍所敗上聞蔣氏甚異之討安樂縣君

譙國夫人冼氏高涼人為高涼太守馮寶妻有謀略知大  
義廣州刺史歐陽紇謀反召其子僕至南海誘與為亂  
僕遣使歸告夫人曰我忠貞兩世不能偕汝負國遂發  
兵拒境紇徒潰敬僕以夫人之功封信都侯加乎越中  
郎將轉石龍太守冊夫人為高涼郡太夫人後番禺王  
仲宣反圍冼夫人遣其孫暄帥帥援冼而暄素與逆黨  
陳佛智相善夫人大怒遣使執暄繫州獄又遣孫盎討  
佛智斬之後竟敗仲宣封贈加厚每歲特大會出累朝  
所賜物陳子庭示子孫曰我事三代主惟用一好心今

賜物具存此忠孝之報仁壽初卒謚誠敬夫人

伊川寡婦胡氏甚有志節江南之亂諷諭宗黨守節不從  
叛逆封為密陵縣君

唐

鄒保英妻奚氏武后萬歲通天初契丹入寇平州奚氏率  
家僮女乘城不下詔封誠節夫人

高獻妻秦氏獻為趙州刺史為黠啜所攻州陷獻仰藥不  
死黠啜欲降之獻視秦氏秦氏曰君受天子恩當以死  
報賊一官安足榮自是皆瞑目不語黠啜知不可屈乃

殺之

金節婦者安南賊師陶齊亮之母也常以忠義誨齊亮頑  
不受遂絕之自田而食紡而衣州里矜法焉大曆初詔  
賜兩丁侍養本道使四時存問終身

楊烈婦者李侃妻也建中末李希烈陷汴謀襲陳州侃  
為項城令希烈分兵略定諸縣侃以城小賊銳欲逃去婦  
曰寇至當守力不足則死焉且縣不守則地賊地也倉  
廩府庫皆具積也百姓皆具戰士也于國家何賴謂宜  
重賞募死士尚可濟侃如其而守中流矢還家婦責之



曰君不在人誰肯固守死于外猶勝死於林也侃遂登城卒退賊詔遷太平令

高氏飛狐令古玄應妻也默啜攻飛狐高能固守虜引去封殉忠縣君

衛州女子侯氏滑州女子唐氏青州女子王氏憤史思明之叛相與歃血赴行宮討賊滑濮節度使訐叔冀表其忠皆補果毅

董昌齡母楊世居蔡昌齡更事吳少陽至元濟特為吳房令母嘗密戒曰逆順成敗兒可圖之昌齡未決徙偃城

楊復曰逆賊欺天神所不福當速降母以我累兒為忠臣吾死不恨會王師逼偃城昌齡乃降憲宗喜即拜偃城令兼監察御史昌齡謝曰母之訓也臣何能帝嗟嘆蔡平封北平郡太君

昭容李漸榮唐昭宗內人也朱溫使蔣玄暉弑昭宗漸榮以身蔽帝曰寧殺我母殺大家遂并遇害

宋

李母蔣氏江陰僉判李易之母也建炎三年金兵至夏港守臣胡紉謂易曰吾曹義當死公母宜少避易歸具告

其母令避母曰我去則汝決不能守矣願與汝同死聞者義之

馬氏者下邳李好義妻也好義為興州正將吳曦反將攻之拜決于家廟囑馬氏曰日出無耗當自為計生死從此決矣馬氏叱之曰汝為朝廷誅賊何以家為我決不辱李氏門戶馬氏之母亦曰行矣勉之汝兄弟生為壯夫死為英鬼好義喜曰婦人女子尚念朝廷不愛性命我輩當如何

徐氏宋和州人金人犯維揚官軍奔潰多肆虜掠執徐欲汚之徐瞑目大罵曰朝廷用汝輩以備緩急今敵犯行在既不能赴難又乘時為賊我恨不能斷汝頭肯為汝辱第速殺我賊慚恚殺之投江中

毛惜惜高郵妓也端平二年別將榮全據高郵叛與同黨王安等宴飲召惜惜佐酒惜惜不應命曰初謂太尉降為太尉更生賀矣今閉門不納使者乃叛逆耳雖賤妓不能事叛臣安斥責之惜惜罵曰汝本健耳也官家何負于汝輩而反叛吾有死耳不能為反賊行酒榮全以刃裂口立命鬻之罵至死不絕後閩臣以聞特封英烈



夫人且賜廟祀後潘紫巖詩曰淮海艷姬毛惜惜蛾眉  
有此萬人英根無匕首學秦女向使裹頭真杲卿玉骨  
花顏城下土水魂雪魄史間名古今無限腰金者歌舞  
筵中過一生

雍氏昌州人宋池州通判趙昂發之妻元兵渡江昂發攝  
州事知不可守與雍氏訣令先出走雍曰君為忠臣我  
獨不能為忠臣婦身遂同縊於從容堂事聞朝廷贈  
發官待詔謚文節雍贈順義夫人立廟有司歲以三月  
望日致祭

林氏福清人福建招撫使劉全子之妻也宋末全子起義  
兵後亡命自經死有司執其妻具反狀林叱曰林劉二  
族豈為宋臣欲以忠義報國事不成天也何為反乎汝  
知去歲有以血書壁而死者乎是吾兄也吾與兄忠義  
之心則一死且求治汝于地下可生為汝等凌辱耶遂  
遇害

安康夫人朱氏故宋宮人宋亡夫人與安定夫人陳氏隨  
謝全西后至虜與二三小姬沐浴整衣焚香自縊死朱  
夫人遺四言一篇于衣中云既不辱國幸免辱身世食

宋祿羞為北臣妾輩之死守于一貞忠臣孝子期以自  
新丙子五月吉日泣血書世祖覽之命斷其首懸之死  
所

金

金玉妻寧晉人王署元帥府監軍時武仙叛遣人齎誥命  
誘玉妻妻拒曰妾豈可使夫懷二心于國家耶仙怒圍  
之數匝殺其子寧壽

寶符李氏哀宗時內人也崔立以汴京降元諸妃嬪皆北  
遷李氏從至宣德州居摩訶院自入院止寢佛殿中作

幡旛會當同后妃北行將發佛像前日縊死且自書門  
紙曰寶符御侍此處身故

元

徐州娼者至正壬辰秋邊寇陷常州守吏望風奔潰徐為  
寇所執命以佐宴憤詈弗從竟刺死之嘉興張翼嘗  
作忠婦徐娼詩以傳于世

脫脫懷氏副樞密燕帖木妻 大明兵平雲南燕帖木敗

績于曲靖馳歸氏閉門不納曰爾受梁王厚恩兵敗不  
死何以見為乃鳩其二男一女命其侍者曰我死爾舉



續文獻通考  
皇明  
火焚屋母命身我遂飲鴆死

皇明

翁氏池州貴池人建文朝禮部侍中掌尚寶司事黃觀之妻靖難師入京索傳國寶不得或言許尚寶已赴上游起兵即黃尚寶也文廟命執其妻翁氏并二女配象奴翁叱奴取釵釧出市酒殺遂携二女率家属十人赴淮清橋下溺焉一云城南濠中先是觀募兵自安慶聞京師已定哭語人曰吾妻素有志節必不受辱因招魂葬之江上明日家僮赴至果如其言觀亦自投羅剎

磯而死

歐陽氏衡山董惟嶽妻惟嶽緝擒流寇賊黨守之夜焚其家歐陽率子姪擊賊不勝奮身跳入火中以死人咸稱其忠節

續文獻通考卷之六十八終

續文獻通考

糸  
唐  
之  
三

四  
十  
一



